

#RSABUDGET2026

Kgatiso e e kopanetsweng ke Lefapha la Bosetšhaba la Matlotlo le Ditirelo tsa Lekgetho tsa Aforika Borwa

#RSA Budget

#RSABudget2026



TSHEDIMOSETSO

TEKANYETSO-KABO KE ENG?

TEKANYETSO-KABO E RULAGANGWA JANG?

Pele ga ngwaga mongwe le mongwe wa ditšhelete, Tona ya Matlotlo o rebola tekanyetsokabo ya bosetšhaba, mo e itsiseng maano a puso a go dirisa madi, lekgetho le a go adima mo dingwageng tse tharo tse di tlang. Tekanyetsokabo ya bosetšhaba e aroganya madi magareng ga mafapha a bosetšhaba, diporofense le bommassepala.

1. Dikaelo tsa lefapha tse di tshalosang tshedimisetso ya dipatlafalo tsa tekanyetsokabo di a rebolwa
2. Mafapha a beela kwa pele mananeo a tsone mme a kwala dithulaganyo tsa go dirisa madi le maikemisetso a go aba ditirelo
3. Ditshitshinyo tsa tekanyetsokabo di romelwa kwa Lefapheng la Bosetšhaba la Matlotlo gore di sekasekiwe
4. Bakaedi Bagolo ba dikomiti tse di farologaneng ba akanyetsa go aba ditshitshinyo
5. Dikatlengiso tsa tekanyetsokabo di dirwa mo Komiting ya Matona
6. Seteitemente sa Pholisi ya Tekanyetsokabo ya Paka e e Bogareng se bontsha Tekanyetsokabo e e tlang
7. Dikabo tsa makgaolagang di swediwa kwa Kabineteng
8. Ditokumente tsa tekanyetsokabo di a baakangwa
9. Tekanyetsokabo ya Konokono e a itsisiwe
10. Palamente e sekaseka le go amogela Tekanyetsokabo
11. Tekanyetsokabo e nwa Poresidente gore a e saene gore e nne mo molaong



DITSHWETSHO TSE DI BOIMA DI TSWELA IKONOMI MOSOLA

Tekanyetsokabo ya 2026 e bontsha gore ditshwetso tse di boima tse puso e di dirileng mo dingwageng di le mmalwa tse di fetileng di simolola go nna le matswela. Tota le mo maemong a a thata a ikonomi ya boditšhabatšhaba, ikonomi e santse e itsetsepitse, mme ponelopele ya ikonomi e bontsha kgolo e e rileng le ditshono tse di oketsegileng tsa go akofisa peeletso.

Puso e santse e ikemiseditse go tsosolosa boitekanelo jwa matlole a setšhaba. Go lebeletse gore sekoloto sa puso, jaaka bontlhannngwe jwa ntshodikuno ya ikonomi, se fitlhelele tlhora ya sone mo ngwageng ono wa ditšhelete mme se tla fokotsega mo dingwageng di le mmalwa

tse di tlang. Eno ke phethogo ya bothokwa, ka gonne fa sekoloto se fokotsega, ditshenyegelo tsa go duela sekoloto jaaka kabelano ya lekgetho le tsone di a fokotsega. Ditshenyegelo tse di kwa tlase tsa sekoloto, fa di kopana le tebelelo ya infoleishene e e tokafaditsweng morago ga tshwetso ya go fokotsa tlhlatlha ya infoleishene go nna diperesente tse 3, di tla godisa peeletso ya poraefete le go tlhamiwa ga ditiro.

Mo dingwageng tse tharo tse di tlang, puso e bofeletse pholisi ya tekanyetsokabo le tekanyetsokabo ya konokono e e setseng. E re ka go na le koketsego e e tsweleng ya madi a a setseng mo dingwageng tse di tlang, sekoloto sa puso se tla nna mo motlhaleng o o tsepameng. E re ka puso e santse e lebeletse gore e fitlhelele mekgele ya tekanyetsokabo mo pakeng

e e bogareng, koketsego ya lekgetho ya dibilione tse R20 e e ileng ya itsisiwe mo Tekanyetsokabong ya 2026 e gogetswe morago.

Go lebeletse gore ikonomi e gole ka diperesente di le 1.4 ka 2025, go tswa go peresente e le 0.5 ka 2024. E re ka go nnile le kgolo ya ikonomi mo dikwatareng tse nnè ka tatelano, go na le tsholofelo ya mmatota ya gore go tla nna le kgolo. Motlakase o o ikanyegang le go feta, dithulaganyo tse di tokafaditsweng, madi a puso a a nonofileng le ditshenyegelo tse di kwa tlase tsa dikadimo di tsenya letsogo mo tebelelong e e molemo.

Le fa gone ikonomi e ntse e tswelitse e itsetsepitse, Aforika Borwa e tshwanetse go batla bakgweetsi ba selegae go godisa ikonomi. Go baakanya seno, puso e tlhomile mogopolo mo go direng gore dikhampani

“Ditshenyegelo tse di kwa tlase tsa sekoloto, fa di kopana le tebelelo ya infoleishene e e tokafaditsweng... **di tla godisa peeletso ya poraefete le go tlhamiwa ga ditiro.**”

tsa puso le bommassepala ba bereke sentle. Palo e e kwa godimo ya bothokatiro e tswelela go nna kgwetlhokgolo go Maforika Borwa otlhe mme dikgato tse puso e di tsayang mo Tekanyetsokabong ya 2026 e tla thusa go simolola tlhomo ya ditiro. Molaetsa wa Tekanyetsokabo ya 2026 o tlhamaletse: Motheo o a nonofa. Fa Puso e ngaparela thulaganyo e e nang le maikarabelo, e dira gore ikonomi e nonofe molemong wa Maforika Borwa otlhe.

GO FOKOTSA DITSHENYEGELO TSA PUSO TSA DIKADIMO

Fa ditshenyegelo di feta lotseno, puso e nna le tlhalelo mme e adima pharologano eno. Morokotso wa sekoloto sa puso o godile ka bonako go gaisa ikonomi mme o tsaya karolo e kgolo ya tekanyetsokabo go gaisa thuto, boitekanelo le tshireletso ya loago.

Puso e dirile kgatelopele ya go fetola seno le go tihomamisa gore sekoloto se ka fa tlase ga taolo. Sekoloto, jaaka kabelano ya ntshodikuno ya ikonomi, se tla fitlhelela ntlha ya sone e e kwa godimodimo monongwaga go tswa foo se simolole go fokotsega. Tlhalelo ya tekanyetsokabo ya konokono e dibilione di le R12.4 mme e kwa tlase ga e e neng e lebeletswe ka nako ya Tekanyetsokabo ya 2025, ka ntlha ya diphelelo tse di molemo tsa tekanyetsokabo mo dikgweding tsa ntlha tse 10 tsa 2025/26.

Ka lekgetlho la ntlha mo dingwageng



tseno di le lesome, ditshenyegelo tsa go duela sekoloto di tla gola ka bonya go feta ditshenyegelo ka kakaretso. Mo dingwageng tse tharo tse di tlang, madi a go duela sekoloto le morokotso wa sone a lebeletswe go nna dibilione di le R21 tse di kwa tlase ga tse di neng di lebeletswe mo Seteitementeng sa Pholisi ya Tekanyetsokabo ya Paka e e Bogareng (MTBPS).

Puso e batla ditsela tsa go tla gore go kgobokana ka bonako ga sekoloto go go nnileng gone morago ga 2009 go se ka ga direga gape, mme e tla akanyetsa go fetola molao go dira gore seno se kgonege. E re ka ikonomi ya Aforika Borwa e gola botokanyana mme tlhwatlhwa ya dilwana

e oketsega ka selekanyo se sennye, ponelopele ya naga e a tokafala, mme e iponatsa e na le ditokafatso tsa selekanyo sa sekoloto le ditshenyegelo tse di kwa tlase tsa dikadimo. Seno se letla puso go nna le madi a go tswelala e aba ditirelo tse di jaaka boitekanelo, thuto, metsi, mafelo a bonno le ditshwanelo tse dingwe tsa loago le ikonomi tse di kwadilweng mo Molaotheong.

Kwantle ga dilekanyo tse di tsepameng kgotsa tse di fokotsegang tsa sekoloto, ditshenyegelo tsa go duela sekoloto di tla tswelala di ja karolo e kgolwane ya metswedithuso e e leng gone, di kgoreletsa dipeletso, bokgoni jwa ntshodikuno le maemo a botshelo.

DINTLHAKGOLO TSA TEKANYETSOKABO YA 2026

1. Tuelo ya loago – go akaretsa madi a a dirisiwang mo thutong, tlhabelo ya bokgoni le bothaping jwa setšhaba, kabo ya matlo, dipalangwa tsa botlhe le ditirelo tsa motheo tsa mahala, le tlhokomelo ya boitekanelo – e tla dira palogare ya diperesente di le 60 ya ditshenyegelo tse di se nang morokotso mo pakeng e e bogareng.
2. Tlhabololo ya ikonomi ke tiro e e golang ka bonako go gaisa ka palogare ya ngwaga le ngwaga ya diperesente di le 5.8, mme e dirwa ke dikabo tse dikgolo tsa mafaratlhatlha.
3. Ka 2025/26, sekoloto sa puso se tla tsepama ka diperesente di le 78.9 tsa GDP.
4. Kgolo ya mmatota ya GDP ya diperesente di le 1.6 e lebeletswe ka 2026, mme e gole go nna diperesente di le 2 ka 2028.
5. Dibilione di le R4.1 di abetswe Lenaneo la Poresidente la go Thapa Batho ka 2026/27
6. Koketsego ya dibilione di le R20 ya lekgetho e e neng e akareditswe pelenyana mo Tekanyetsokabong ya 2026 e gogetswe morago

Bona tsebe e e latelang →

DIPHETOGO TSE DI THUSANG DIPOROFENSE LE BOMMASEPALA GO DIRA SENTLE



Tekanyetsokabo ya 2026 e itsise diphetogo tsa botlhokwa go tokafatsa botsamaisi jwa ditiro le jwa madi mo diporofenseng le bommasepaleng. Boikaelelo ke go tihomamisa gore madi a dirisiwa sentle go abela baagi ditirelo.

Bommasepala ba le bantsi ba a kgaratlha, mme ga se ka metlha madi a fitlhelelang ditirelo tse a tshwanetseng go dirisiwa mo go tsone. Go baakanya seno, puso e a tsereganya ka tlhamalalo. Diperesente tse 63 (162) tsa bommasepala

di na le mathata a madi, mme diporofense tse dintsi di palelwa ke go lekalekanya ditshenyegelo tsa phimolakeledi le dintshokuno tsa kabo ya ditirelo. Jaanong puso ya bosetšhaba ga e tlhole e baya leitlho fela, mme e tsereganya ka matlhagatlhaga.

Fa go tliwa mo go bommasepala, phetogo eno e akaretsa go fetola dithulaganyo tsa molaotheo le taolopuso. Mo diporofenseng, puso e diragatsa melao e e gagametseng ya go thapa le ya dituelo tsa badiri. Dikgato tseno di akaretsa go kopanya ditiro tsa puso tsa tsamaiso ya badiri, thulaganyo ya dituelo le botsamaisi, go tlhlotlhomisa bathapiwa ka dithulaganyo tsa boitshupo, le go kopa diofisi tsa matlotlo le tsa botonakgolo go dumelela go tladiwa ga diphatlhatiro go ya ka dithulaganyo tse di tihomamisitsweng tsa go thapa le go ya ka madi a a leng gone. Fa diphetogo tseno di dirwa mmogo, di dira gore thulaganyo ya puso e nne e e nang le bokgoni le go feta, e e nang le taolo le e e dirang sentle go aba ditirelo tse di botoka.

GO TLOSA DILO TSE DI KGORELETSANG TLHAMO YA DITIRO LE KGOLO YA IKONOMI

Gore go nne le kgolo le ditiro ka bonako, go tlhokega motlakase o o ka ikannwang, diporo le maemakepe a a lekaneng, le kabo ya metsi e e tsepameng.


Dikgatiso tsa bosheng tsa

tekanyetsokabo di bontshitse kgatelopele mo diphetogong tsa motlakase le dithulaganyo, le tlhagafalo e ntšha mo tshireletsong ya metsi le kabo ya mafaratlhatlha. Go ntse go se na kgaogo ya motlakase, diporo tsa dithoto le ditiro tsa maemakepe di tsepame.

Tshireletso ya metsi e kwa setlhoeng sa lenaanetema la diphetogo. Go na le tlhokego ya go tlhokomela le go tlhabolola mafaratlhatlha a metsi a a onalang, go tokafatsa taolopuso ya diboto tsa metsi, le go atolosa kabo.




1 METSWEDI YA LOTSENO LWA PUSO KA 2026/27



R 2 160.3bn	80.9%	MAKGETHO
R 324.3bn	12.2%	DIKADIMO
R 185.1bn	6.9%	LOTSENO LO LO SE NANG LEKGETHO


2 DITSHENYEGELO TSA PUSO KA 2026/27



R 446.6bn	16.7%	TLHABOLOLO YA LOAGO
R 432.4bn	16.2%	DITSHENYEGELO TSA GO DUELA SEKOLO
R 358.6bn	13.4%	THUTO YA MOTHEO
R 294.3bn	11.0%	TLHABOLOLO YA SETSHABA
R 310.4bn	11.6%	BOITEKANELO
R 283.9bn	10.6%	TLHABOLOLO YA IKONOMI
R 274.6bn	10.3%	KAGISO LE PABALESEGO
R 155.8bn	5.8%	THUTO LE THAPISO YA MORAGO GA SEKOLO

3 MPHIWAFELA YA LOAGO

	2025/26	2026/27
MPHIWAFELA YA BAGODI	R2 315	R2 400
MPHIWAFELA YA BAGALE BA NTWA	R2 335	R2 420
MPHIWAFELA YA BATHO BA BA NANG LE BOGOLE	R2 315	R2 400
MPHIWAFELA YA TLHOKOMELO YA BANA BA BA SE NANG BATSADI	R1 250	R1 295
MPHIWAFELA YA BATHO BA BA IKAEGILENG KA TLHOKOMELO	R2 315	R2 400
MPHIWAFELA YA GO TSHEGETSA BANA	R560	R580
MPHIWAFELA YA KABO YA THUSO	R560	R580



Dimilione di le 18
Tsa batho ba tla amogela mphiwafela ya loago ka Mopitlwe 2029

Tekanyetsokabo e tlile go oketsa boleng jwa mphiwafela ya leruri gore e nne kwa godimo ga infoleishene.

4 TEKANYETSOKABO E TSHEGETSA KGOLO YA IKONOMI, GO TLHAMIWA GA DITIRO LE TLHABOLOLO YA LOAGO



Diperesente di le 1.6
tsa kgolo ya mmatota ya GDP di lebeletswa ka 2026.



Diperesente di le 60
tsa ditshenyegelo tsa puso di abetswe tlhabololo ya setshaba, ditiro, boitekanelo, thuto, le tshireletso ya loago mo pakeng e e bogareng.



Dibilione di le R4.1
tsa madi a mangwe a a abetsweng Lenaneo la Poresidente la go Thapa Batho.



Dibilione di le R930
di abelwa ditirelo tsa motheo, matlo le dipalangwa tsa botlhe, le go fetolwa ga mafelo le tlhabololo ya ditoropo mo dingwangeng tse tharo tse di tlang.




Dibilione di le R893.6
tsa mananeo a bothagisi, dikgwabopotlana le tsa go thapa setshaba mo dingwageng tse tharo tse di tlang go rotloetsa ikonomi le go thapiwa ga batho.

5 SEKEMA SA BOSETSHABA SA THUSO YA MADI A BAITHUTI



Dibilione di le R54.3
di tla dirisiwa ke Sekema sa Bosetshaba sa Thuso ya Madi a Baithuti ka 2026/27.

6 DITSHENYEGELO TSA GO DUELA SEKOLO KA DIPERESENTE TSA LOTSENO

Year	Diperesente
2022/23	18.2
2023/24	20.7
2024/25	21.3
2025/26	21.3
2026/27	20.8
2027/28	20.6
2028/29	20.2

DIKAKANTSHO TSA LEKGETHO KA 2026



LEKGETHO LA LOTSENO LWA MOAGI

DILEKANYO TSA LEKGETHO LA LOTSENO LWA MOAGI DI GO AMA JANG?

Dikarolo le diphokoletso tsa lekgetho la lotseno lwa moagi di fetotswe go tsamaisana le infoleishene. Madi a motho ka bonosi a ka a amogelang pele ga a ka kopiwa gore a duele lekgetho mo ngwageng wa lekgetho o o simololang ka 1 Mopitlwe 2026 go ya go 28 Tlhakole 2027 ke a a latelang:

DIKAROLO TSA LEKGHETO	NGWAGA WA LEKGETHO: 2026/27
Ba ba dingwaga tse di ka fa tlase ga 65	R99 000
Ba ba dingwaga tse 65 go ya 74	R153 250
Ba ba dingwaga tse 75 le go feta	R171 300

Diphokoletso tsa lekgetho go baduela lekgetho di ntse jaana:

DIPHOKOLETSO TSA LEKGETHO	NGWAGA WA LEKGETHO: 2026/27
Tsa konokono (batho botlhe)	R17 820
Tse dikgolwane (ba ba dingwaga tse 65 le go feta)	R9 765
Tse dikgolo (ba ba dingwaga tse 75 le go feta)	R3 249

MAKGETHO A BOITEKANELO

TLHATLHOSO YA LEKGETHO LA BOJALWA LE MOTSOLO

Lekgetho le le kgethegileng la bojalwa le motsoko le tla oketsega ka diperesente di le 3.4, go tloga ka 25 Tlhakole 2026.

	LE OKETSEGA KA:
Biri ya momela	8c go khene ya 340ml
Beine e e se nang sukiri	15c go botlolo ya 750ml
Beine e e nang le sukiri	26c go botlolo ya 750ml
Beine e e nang le asiti	49c go botlolo ya 750ml
Disaeda le majalwa a a dirilweng ka matute a maungo	8c go khene ya 340ml
Bojalwa jo bo bogale	R3.20 go botlolo ya 750ml
Disekerete	77c go pakete ya 20
Dithobane tsa motsoko o o thutafaditsweng	58c go pakete ya 20
Sekerete ya motsoko	87c go 50g
Motsoko wa peipe	28c go 25g
Disekara	R4.56 go 23g
Motsoko wa mokgwa wa ileketeroniki wa motswako wa nikotini le o e seng wa motswako wa nikotini	11c go ml



DILEKANYO TSA LEKGETHO

LOTSENO LWA LEKGETHO: BADUELA LEKGETHO

Lekgetho le le duelwang ke baduela lekgetho mo ngwageng wa lekgetho magareng ga 1 Mopitlwe 2026 le 28 Tlhakole 2027.

Lotseno lo lo Nang le Lekgetho (R)	Selekanyo sa Lekgetho (R)
R0 - R245 100	18% ya lekgetho la lotseno
R245 101 - R383 100	R44 118 + 26% ya lekgetho la lotseno lo lo kwa godimo ga R245 100
R383 101 - R530 200	R79 998 + 31% ya lekgetho la lotseno lo lo kwa godimo ga R383 100
R530 201 - R695 800	R125 599 + 36% ya lekgetho la lotseno lo lo kwa godimo ga R530 200
R695 801 - R887 000	R185 215 + 39% ya lekgetho la lotseno lo lo kwa godimo ga R695 800
R887 001 - R1 878 600	R259 783 + 41% ya lekgetho la lotseno lo lo kwa godimo ga R887 000
R1 878 601 le go ya godimo	R666 339 + 45% ya lekgetho la lotseno lo lo kwa godimo ga R1 878 600

Motswedi: Lefapha la Bosetšhaba la Matlotlo

DITEKANYETSO TSA LEKGETHO

Ditekanyetso tse di rileng tsa lekgetho di tla fetolwa go tloga ka 1 Mopitlwe 2026.

	Tekanyo ya mo nakong e e fetileng	Tekanyo e e fetotsweng
Kabelo ya ngwaga le ngwaga ya peeletso e e se nang lekgetho	R36 000	R46 000
Go gogiwa ga ngwaga le ngwaga ga dikabelo tsa matlole a go rola tiro	R350 000	R430 000
Go sa akareidiwe ga dipoelo kgotsa ditatlhegelo tsa kapitale tsa ngwaga le ngwaga	R40 000	R50 000
Go sa akareidiwe ga dipoelo kgotsa ditatlhegelo tsa kapitale ka loso	R300 000	R440 000
Go sa akareidiwe ga dipoelo kgotsa ditatlhegelo tsa kapitale fa go rekisiwa lefelo la bonno la konokono	R2 000 000	R3 000 000
Thekiso ya kgwebo e nnye go lekgetho la dithekiso	R1 000 000	R2 300 000
Tekanyetso ya go ikwadisetsa VAT e e patelediwang*	R1 000 000	R2 300 000

* Go fetoga ga tekanyetso ya go ikwadisetsa VAT go tla simologa ka 1 Moranang 2026.

Motswedi: Lefapha la Bosetšhaba la Matlotlo

Scan this QR code for the PDF version of this People's Guide to the Budget.



MAIKUTLO
A GAGO A BOTLHOKWA

A O FITLHELETSE KAEDI ENO GO SETŠHABA YA TEKANYETSOKABO E LE MOSOLA?

Re aga re batla ditsela tse disha tsa go tokafatsa kaedi eno, mme re ka leboga fa o ka re romelela ditshwaelo le dikakantsho go Media@treasury.gov.za